

重刊巢氏諸病源候總論

五

時氣病諸候 凡四十二論

時氣候

時行病者是春時應暖而反寒夏時應熱而反冷秋時應涼而反熱冬時應寒而反溫非其時而有其氣是以一歲之中病無長少率相似者此則時行之氣也從春分後其中無暴大寒不冰雪而人有壯熱為病者此則屬春時陽氣發於冬時伏寒變為溫病也從春分以後至秋分節前大有暴寒者皆為時行寒疫也一名時行傷寒此是節候有寒傷於人非觸冒之過也若二月四月有暴寒其時陽氣尚弱為寒所折病熱猶小輕也五月六月陽氣已盛為寒所折病熱則重也七月八月陽氣已衰為寒所折病熱亦小微也其病與溫及

暑病相似但治有殊耳然得時病一日在皮毛當摩膏火灸愈不解者二日法針服行解散汗出愈不解三日復發汗若大汗即愈不解止勿復發汗也四日服藜蘆丸微吐愈若病固藜蘆丸不吐者服赤豆瓜蒂散吐已解視病者尚未了者復一法針之當解不愈者六日熱已入胃乃與雞子湯下之愈百無不如意但當諦視節度與病耳食不消病亦如時行俱發熱頭痛食病當速下之時病當待六七日下之時病始得一日在皮二日在膚三日在肌四日在胃五日入胃入胃乃可下也熱在胃外而下之熱承虛便入胃然病要當復下之不得下胃中餘熱置此為病二死一生此輩不愈胃虛熱入胃爛微者亦斑出五死一生劇者黑斑出十死一生病人有強弱相倍也若得病無熱但狂言煩躁不安精神語言與人不相主當者勿以火迫但以指令散一方寸匕已上飲

之以一升若升半水可至一升益佳當以新汲井水強令飲以指刺喉中吐之隨手愈不時吐者此病皆多不瘥勿以餘藥治也不相主當必危若此病不時以猪苓散吐解之者其殆速死亦可先以法針之尤佳以病者過日不以時得下之熱不得泄亦胃爛矣其湯熨針石別有正方補養宣導參附於後

養生方導引法云清旦初起以左右手交互從頭上挽兩耳舉又引鬢髮即流通令頭不白耳不聾又摩手掌令熱以摩面從上下一七正去肝氣令面有光又摩手令熱令熱從體上下名曰乾浴令人勝風寒時氣寒熱頭痛百病皆愈

時氣一日候

時氣病一日太陽受病太陽為二陽之首主於頭項故得病一日頭項腰痛

時氣二日候

時氣病二日陽明受病陽明主於肌肉其脈絡鼻入口故病二日內熱鼻乾不得眠夫諸陽在表始受病故可摩膏火灸發汗而愈

時氣三日候

時氣病三日少陽受病少陽脈循於脇上於頸耳故得病三日胃脇熱而耳聾也三陽經絡始相傳病未入於藏故可下而愈

時氣四日候

時氣病四日太陰受病太陰為三陰之首二日已後諸陽乎病訖即傳之於陰太陰之脈主於喉嗌故得病四日腹滿而噎乾其病在胃胃故可吐而愈也

時氣五日候

時氣病五日少陰受病少陰脉貫腎絡肺繫於舌故得病五日口熱舌乾而引飲其病在腹故可下而愈

時氣六日候

時氣病六日厥陰受病厥陰脉循陰器絡於肝故得病六日煩滿而陰縮此為三陰二陽俱受病毒氣入於腸胃故可下而愈

時氣七日候

時氣病七日法當小愈所以然者陰陽諸經傳病竟故也今病不除者欲為再經病也再經病者謂經絡重受病也

時氣八九日已上候

時氣病八九日已上不解者或是諸經絡重受於病或已發汗吐下之後毒氣未盡所以病不能除或一經受病未即相傳致使停滯累日病證不改者故皆當察其證候而治之

病原九了

三

時氣取吐候

夫得病四日毒在胃鬲故宜取吐有得病二三日便心胃煩滿此為毒氣已入或有五六日已上毒氣猶在上焦者其人

時氣煩候

夫時氣病陰氣少陽氣多故身熱而煩其毒氣在於心而煩者則令人悶而欲嘔若其人胃内有燥糞而煩者則謬語時繞臍痛腹為之滿皆當察其證候也

時氣狂言候

夫病甚則棄衣而走登高而歌或至不食數日踰垣上屋所上非其素時所能也病反能者皆陰陽爭而外并於陽四支者諸陽之本也邪盛則四支實實則能登高而歌熱盛於身故棄衣而走陽盛故妄言罵詈不避親戚大熱遍身狂言而

毒見妄聞之

時氣嘔候

胃家有熱穀氣入胃與熱相并氣逆則嘔或吐下後飲食多胃虛冷亦為嘔也

時氣乾嘔候

熱氣在於脾胃或發汗解後或大下之後胃內不和尚有蓄熱熱氣上熏故心煩而嘔也

時氣噦候

伏熱在胃令人胃滿則氣逆氣逆則噦若大下後胃氣虛冷亦令致噦也

時氣嗽候

熱邪客於肺上焦有熱其人必飲水水停心下則上乘於肺故上氣而嗽也

時氣渴候

熱氣入於胃藏腎惡燥熱氣盛則腎燥腎燥故渴而引飲也

時氣衄血候

時氣衄血者五臟熱結所為心主於血邪熱中於手少陰之經客於足陽明之絡故衄血也衄者血從鼻出也

時氣吐血候

諸陽受病不發其汗熱毒入深結在五臟內有瘀血積故令吐血也

時氣口瘡候

發汗下後表裏俱虛而毒氣未盡熏於上焦故喉口生瘡也

時氣喉咽痛候

陰陽隔絕邪客於足少陰之絡毒氣上熏攻於咽喉故痛或生瘡也

時氣發斑候

夫熱病在表已發汗未解或吐下後熱毒氣不散煩躁謔言語此為表虛裏實熱氣躁於外故身體發斑如錦文凡發斑不可用發表藥令瘡開泄更增斑爛表虛故也

時氣毒攻眼候

肝開竅於目肝氣虛熱毒乘虛上衝於目故赤痛或生翳赤白膜息肉及瘡也

時氣毒攻手足候

熱毒氣從藏府出攻於手足手足則焮熱赤腫疼痛也人五藏六府并榮俞皆出於手足指故此毒從內而出也

時氣蛇瘡候

夫表虛裏實熱毒內盛則多發蛇瘡重者周而遍身其狀如火瘡若根赤頭白者則毒輕若色紫黑則毒重其瘡形如登

病源九下

五

豆亦名登豆瘡

時氣瘡瘡候

夫病新瘡血氣未復皮膚尚虛疎而觸冒風日則徧體起細瘡瘡痒如癬疥狀名為逸風

時氣蠶候

毒氣結在腹內穀氣衰毒氣盛三蟲動作食人五臟多令洩利下部瘡痒若脣内生瘡但欲寐者此蟲食下部也重者肛

爛見五藏也

時氣熱利候

此由熱氣在於腹胃挾毒則下黃赤汁也

時氣膿血利候

此由熱傷於腸胃故下膿血如魚腦或如爛肉汁壯熱而腹疔痛此濕毒氣所為也

時氣墮利候

夫熱蓄在藏多令人下利若毒氣盛則變膿血因而成墮
者蟲食人五藏及下部也若食下部則令穀道生瘡而下利
名為墮利若但生瘡而不利者為墮也

時氣大便不通候

此由脾胃有熱發汗太過則津液竭津液竭則胃乾結熱在
內大便不通也

時氣小便不通候

此由汗後津液虛少其人小腸有伏熱故小便不通也

時氣陰陽毒候

此謂陰陽二氣偏虛則受於毒若病身重腰脊痛煩悶面赤
斑出咽喉痛或下利狂走此為陽毒若身重背強短氣嘔逆
胥青面黑四支逆冷為陰毒或得病數日變成毒者或初得

病源九

寸

病便有毒者皆宜依證急治失候則殺人

時氣變成黃候

夫時氣病濕毒氣盛蓄於脾胃脾胃有熱則新穀鬱蒸不能
消化大小便結澀故令身面變黃或如橘柚或如桃枝色

時氣變成瘡候

病後邪氣未散陰陽尚虛因為勞事致一氣交爭陰勝則發
寒陽勝則發熱故令寒熱往來有時休作而成瘡

時氣敗候

此謂病後餘毒未盡形證變轉久而不瘥陰陽無復綱紀名
為敗候

時氣勞復候

夫病新瘥者血氣尚虛津液未復因即勞動更成病焉若
語思慮則勞於神梳頭澡洗則勞於力未堪勞而強勞之

生執執氣還經絡復為病者名曰勞復

時氣食復候

夫病新瘥者脾胃尚虛穀氣未復若即食肥肉魚鱠餅餌棗栗之屬則未能消化停積在於腸胃使脹滿結實因更發熱復為病者名曰食復也

時氣病瘥後交接勞復候

夫病新瘥者陰陽二氣未和早合房室則令人陰腫入腹腹內疝痛名為交接勞復

時氣病後陰陽易候

陰陽易病者是男子婦人時氣病新瘥未平復而與之交接得病者名陰陽易也其男子病新瘥未平復而婦人與之交得病者名曰陽易其婦人得病新瘥未平復而男子與之交得病者名曰陰易若二男一女並不相易所以呼為易

二乃不九一

七

者陰陽相感動其毒度著於人如接易也其病之狀身體熱衝冒頭重不能舉眼中生眵四支拘急小腹疝痛手足拳皆即死其亦有不即死者病苦小腹裏急熱氣上衝冒頭重不欲舉百節解離經脉緩弱氣血虛骨髓竭使怵怵吸吸氣力轉少着牀不能搖動起居仰人或引歲月方死

時氣病後虛羸候

夫人榮衛先虛復為邪熱所中發汗吐下之後經絡損傷陰陽竭絕虛邪始散真氣尚少五臟猶虛穀神未復無津液以榮養故虛羸而生聚病焉

時氣陰莖腫候

此由腎臟虛所致腎氣通於陰今腎為執邪所傷毒氣下流故令陰腫

時氣今不相染易候

夫時氣病者此皆因歲時不和溫涼失節人感乖戾之氣而
生病者多相染易故預服藥及為方法以防之

熱病諸候

凡二十八論

熱病候

熱病者傷寒之類也冬傷於寒至春變為溫病夏變為暑病
暑病者熱重於溫也肝熱病者小便先黃腹痛多臥身熱熱
爭則狂言及驚脇滿痛手足躁不安卧庚辛甚甲乙大汗氣
逆則庚辛死心熱病者先不樂數日乃熱熱爭則卒心痛煩
寃善嘔頭痛面赤無汗至壬癸甚丙丁大汗氣逆則壬癸死
脾熱病者先頭重煩痛煩心欲嘔身熱熱爭則腰痛腹滿吐
兩頰痛甲乙甚戊己大汗氣逆則甲乙死肺熱病者先浙然
起毛惡風舌上黃身熱熱爭則喘咳痺走胃應背不得大息

乃原九丁

頭痛不甚汗出而寒丙丁甚庚辛大汗氣逆則丙丁死腎熱
病者先腰痛脛酸苦渴數飲身熱熱爭則項痛而強脛寒骨
且酸足下熱不欲言其項痛淖澹戊己甚壬癸大汗氣逆則
戊己死肝熱病者左頰先赤心熱病者額先赤脾熱病者鼻
先赤肺熱病者右頰先赤腎熱病者頤先赤凡病雖未發見
其赤色者刺之名曰治未病一日汗不出大瀉發者死二日
泄而腹滿甚者死三日目不明熱不已者死四日老人嬰兒
熱而腹滿者死五日汗不出嘔血者死六日舌本爛熱不已
者死七日欬血衄血汗不出出不至足者死八日髓熱者死
九日熱而瘕者死凡此者不可刺也熱病已得汗而脈尚躁
盛此陰脈之極也死其得汗而脈靜者生熱病者脈常盛躁
而不得汗者此陽脈之極也死脈盛躁得汗者生熱病七八
日脈微小病者溲血口中乾一日半死脈代一日死熱病已

得汗脉尚數躁而喘且復熱勿庸刺喘甚者死熱病七八脉
來不躁躁不數後三日中有汗三日不汗四日死未常汗者
勿庸刺也診人熱病七八日其脉微小口乾脉代舌焦黑者
死診人熱病七八日脉不數不喘者當瘖之後三日温汗不
出者死熱病已得汗當熱不去者亦死不治也脉靜安者生
脉躁者難治脉常躁靜此氣之極亦死也腹鞞常喘而熱不
退者死多汗脉虛小者生鞞實者死養生方去三月勿食陳
蠹必遭熱病

熱病一日候

熱病一日病在太陽太陽主表表謂皮膚也病在皮膚之間
故頭項腰脊疼痛

熱病二日候

熱病二日陽明受病病在肌肉故肉熱鼻乾不得眠故可摩
膏火灸發汗而愈

熱病三日候

熱病三日諸陽相傳病訖病猶在表未入於臟故胃脇熱而
耳聾故可發汗而愈

熱病四日候

熱病四日太陰受病太陰者三陰之首也三陽受病訖傳入
於陰故毒氣已入胃鬲其病喉乾腹滿故可吐而愈

熱病五日候

熱病五日少陰受病毒氣入腹內其病口舌乾而引飲故下
而愈

熱病六日候

熱病六日厥陰受病毒氣入腸胃其人煩滿而陰縮故可下
而愈

熱病七日候

熱病七日三陰三陽傳病訖病法當愈今病不除者欲為再經病也再經者謂經絡重受病也

熱病八九日已上候

熱病八九日已上不解者皆由毒氣未盡所以病證不除也

熱病解肌發汗候

此謂得病三日已還病法在表故宜發汗或病已經五六日然其人喉口不焦乾心腹不滿又不引飲但頭痛身體壯熱脉洪大者此為病證在表未入於藏故雖五六日猶須解肌發汗不可苟依日數輒取吐下

熱病煩候

此由陽勝於陰熱氣獨盛否結於藏則二焦隔絕故身熱而煩也

熱病炮瘡候

夫熱病炮瘡者此由表虛裏實熱氣盛則發瘡重者周而遍身若瘡色赤頭白則毒輕色紫黑則毒重其形如登豆故名登豆瘡

熱病斑瘡候

夫病在表或未發汗或已發汗吐下後表證未解毒氣不散煩熱而渴渴而不能飲表虛裏實故身體發斑如錦文

熱病熱瘡候

人藏府虛實不調則主於客熱表有風濕與熱氣相搏則身體生瘡痒痛而膿汁出甚者一瘡一劇此風熱所為也

熱病口瘡候

此由脾藏有熱衝於上焦故口生瘡也

熱病咽喉瘡候

正實下虛熱氣內盛熏於咽喉故生瘡也

熱病大便不通候

夫經發汗汗出多則津液少津液少則胃乾結熱在胃所以夫便不通又有府藏自生於熱者此由三焦不兩脾胃不和蓄熱在內亦大便不通也

熱病小便不通候

熱在膀胱流於小腸熱盛則脾胃乾津液少故小便不通也

熱病下利候

熱氣攻於腸胃虛則下赤黃汁挾毒則成膿血

熱病噤候

熱氣攻於腸胃則穀氣衰所以三蟲動作食人五臟及下部重者肛爛見府藏

熱疔毒攻眼候

病原九十一

十一

肝藏開發於目肝氣虛熱毒乘虛則上衝於目重者生瘡翳及赤白膜也

熱病毒攻手足候

夫熱病攻手足及人五藏六府并榮俞皆出於手足指今毒氣從府藏而出循於經絡攻於手足故手足指皆腫亦焮痛也

熱病嘔候

胃內有熱則穀氣不和新穀入胃與熱氣相搏胃氣不平故嘔或吐下已後臟虛亦令嘔也

熱病噦候

伏熱在胃則令人胃滿胃滿則氣逆氣逆則噦若天下已後飲水多胃內虛冷亦令噦也

熱病口乾候

此由五藏有虛熱脾胃不和津液竭少故口乾也

熱病衄候

心臟傷熱所爲也心主血肺主氣開竅於鼻邪熱與血氣并故衄也衄者血從鼻出也

熱病勞復候

夫熱病新瘥津液未復血氣尚虛因勞動早勞則生熱熱氣乘虛還入經絡故復病也

熱病後沈滯候

凡病新瘥後食猪肉及腸血肥魚脂膩必大下利醫所不能復治也必至於死若食餅餌菜飴哺炙膾棗栗諸果物脯及牢實難消之物胃氣尚虛弱不能消化必結熱復病還以藥下之

重刊巢氏諸病源候總論卷之九

温病諸候

凡三十四論

温病候

經言春氣溫和夏氣暑熱秋氣清涼冬氣冰寒此四時正氣之序也冬時嚴寒萬類深藏君子固密則不傷於寒觸冒之者乃為傷耳其傷於四時之氣皆能為病而以傷寒為毒者以其最為殺厲之氣為即病者為傷寒不即病者為寒毒藏於肌骨中至春變為温病是以辛苦之人春夏必有温病者皆由其冬時觸冒之所致也凡病傷寒而成温者先夏至日者為病温後夏至日者為病暑其冬復有非節之暖名為冬温毒與傷寒人異也有病温者汗出輒復熱而脉躁病不為汗衰狂言不能食病名為何也曰病名曰陰陽交陰陽交者

死人所以汗出者皆生於穀穀生於精今邪氣交爭於骨肉之間而得汗者是邪却而精勝則當食而不復熱熱者邪氣也汗者精氣也今汗出而輒復熱者是邪勝也汗出而脉尚躁盛者死今脉不與汗相應此不稱其病也其死明矣狂言者是失志失志者死今見三死不見一生雖愈必死凡皮膚熱甚脉盛躁者病温也其脉盛而滑者汗且出也凡温病人二三日身軀熱脉疾頭痛食飲如故脉直疾八日死四五日頭痛脉疾喜吐脉來細十二日死此病不治八九日脉不疾身不痛目不赤色不變而反利脉來濇濇按不彈手時大心下鞫十七日死病三四日以下不得汗脉大疾者生脉細小難得者死不治也下利腹中痛甚者死不治其湯射針石別有正方存神攘辟今附於後

養生方導引法云常以雞鳴時存心念四海神名三遍辟百

邪止鬼令人不病

東海神名阿明

南海神名祝融

西海神名巨乘

北海神名禺強

又云存念心氣赤肝氣青肺氣白脾氣黃腎氣黑出周其身又兼辟邪鬼欲辟却眾邪百鬼常存心為炎火如斗煌煌光明則百邪不敢干之可以入溫疫之中

溫病一日候

溫病一日太陽受病諸陽主表表謂皮膚也病在皮膚之間故頭項腰痛

溫病二日候

溫病二日陽明受病病在於肌肉故肉熱鼻乾不得眠故可摩膏火灸發汗而愈

溫病三日候

溫病三日少陽受病故胃脅熱而且聾二陽始傳病訖未入於藏故可發汗而愈

溫病四日候

溫病四日太陰受病太陰者三陰之首也三陽受病訖傳入於陰故毒氣入胃膈之內其病咽乾腹滿故可吐而愈

溫病五日候

溫病五日少陰受病毒氣入腹其病口熱舌乾而引飲故可下而愈

溫病六日候

溫病六日厥陰受病毒氣入腹胃其病煩滿而陰縮故可下而愈

溫病七日候

溫病七日病法當愈此是三陰三陽傳病竟故也今七日病

不除者欲為再經病也再經病者是經絡重受病也

溫病八日候

溫病八日已上病不解者或是諸經絡重受於病或經發汗吐下之後毒氣未盡所以病證不罷也

溫病九日已上候

溫病九日已上病不除者或初一經受病即不能相傳或已傳三陽訖而不能傳於三陰所以停滯累日病證不罷皆由毒氣未盡表裏受邪經絡損傷府藏俱病也

溫病發斑候

夫人冬月觸冒寒毒者至春始發病病初在表或已發汗吐下而表證未罷毒氣不散故發斑瘡又冬月天時溫暖人感乖戾之氣未即發病至春又被積寒所折毒氣不得發泄至夏遇熱溫毒始發出於肌膚斑爛隱軫如錦文也

溫病煩候

此由陰氣少陽氣多故身熱而煩其毒氣在於心府而煩者則令人悶而欲嘔若其胃內有燥糞而煩者則謬語而繞臍痛也

溫病狂言候

夫病甚則棄衣而走登高而歌或至不食數日踰垣上屋所上非其素時所能也病反能者皆陰陽爭而外并於陽四支者諸陽之本也邪盛則四支實實則能登高而歌熱盛於身故棄衣而走陽盛故妄言罵詈不避親戚大熱遍身狂言而妄聞視也

溫病嗽候

邪熱客於胃府上焦有熱其人必飲水水停心下則上乘於肺故令嗽

溫病嘔候

胃中有熱穀氣入胃與熱相并氣逆則嘔或吐下後飲水多胃虛冷亦為嘔也

溫病噦候

伏熱在胃令人胃滿胃滿則氣逆氣逆則噦若天下後胃氣虛冷亦令噦

溫病渴候

熱氣入於腎藏腎藏燥熱盛則腎燥腎燥則渴引飲

溫病取吐候

溫病熱發四日病在胃鬲當吐之愈有得病一二日便心胃煩滿為毒已入兼有痰實亦吐之

溫病變成黃候

發汗不解溫毒氣瘀結在胃小便為之不利故變成黃身如

橘色

溫病咽喉痛候

熱毒在於胃府二焦隔絕邪客於足少陰之絡下部脈不通熱氣上攻喉咽故痛或生瘡也

溫病毒攻眼候

肝開竅於目肝氣虛熱毒乘虛上衝於目故赤痛重者生瘡翳也

溫病衄候

由五臟熱結所為心主血肺主氣而開竅於鼻邪熱傷於心故衄衄者血從鼻出也

溫病吐血候

諸陽受邪熱初在表應發汗而不發致熱毒入深結於五臟內有瘀血積故吐血也

溫病下利候

風熱入於腸胃故令洞泄若挾毒則下黃赤汁及膿血

溫病膿血利候

熱毒甚者傷於腸胃故下膿血如魚腦或如爛肉汁此由溫毒氣成故也

溫病大便不通候

脾胃有積熱發汗太過則津液少使胃乾結熱在內故大便不通

溫病小便不通候

發汗後津液少膀胱有結熱移入於小腸故小便不通也

溫病下部瘡候

熱攻腸胃毒氣既盛熱氣漸衰故三蟲動作食入五藏則下部生瘡重者肛爛見府藏

傷寒十七

五

溫病勞復候

謂病新瘥津液未復血氣尚虛因勞動早更生於熱熱氣還入經絡復成病也

溫病食復候

凡得溫毒病新瘥脾胃尚虛穀氣未復若食犬猪羊肉并腸血及肥魚炙脂膩食此必大下利下利則不可復救又禁食餅餌炙膾棗栗諸生果難消物則不能消化停積在於腸胃便脹滿結實大小便不通因更發熱復成病也非但雜食梳頭洗浴諸勞事等皆須慎之

溫病陰陽易候

陰陽易病者是男子婦人溫病新瘥未平復而與之交按因得病者名爲陰陽易也其男子病新瘥未平復而婦人與之交按得病者名陽易其婦人得病雖瘥未平復男子與之交

併得病者名陰易若二男二女並不自相易所以呼為易者
陰陽相感動其毒度著於人如換易也其病之狀身體熱衝
曾頭重不舉眼中生眵四支拘急小腹疔痛手足拳皆即死
其亦有即不死者病苦小腹裏急熱上衝曾頭重不欲舉百
節解離經脈緩弱氣血虛骨髓竭便怳怳吸吸氣力轉少著
牀不能搖動起居仰人或引歲月方死

溫病交接勞復候

病雖瘥陰陽未和因早房室令人陰腫縮入腹腹疔痛名為
交接之勞復也

溫病瘥後諸病候

謂其人先有宿疔或患虛勞風冷積聚寒疔等疾因溫熱病
發汗吐下之後熱邪雖退而血氣損傷府藏皆虛故因茲而
生諸病

病原一十一

六

溫病令人不相染易候

此病皆因歲時不和溫涼失節人感乖矣之氣而生病則病
氣轉相染易乃至滅門延及外人故須預服藥及為法術以
防之



疫癘病諸候

凡主論

疫癘病候

其病與時氣溫熱等病相類皆由一歲之內節氣不和寒暑
乖候或有暴風疾雨霧露不散則民多疾疫癘病無長少率皆
相似如有鬼厲之氣故云疫癘病

養生方云封君達常乘青牛魯女生常乘駃牛孟子綽常乘
駃馬尹公度常乘青驃時人莫知其名字為誰故曰欲得不
死當問青牛道士欲得此色駃牛為上青牛次之駃馬又次

之三色者順生之氣也云古之青牛者乃柏木之精也駁牛者古之神宗之先也駁馬者乃神龍之祖也云道士乘此以行於路百物之惡精疫氣之癘鬼將長揖之焉延年之道存念心氣赤肝氣青肺氣白脾氣黃腎氣黑出周其身又兼辟邪鬼欲辟却衆邪百鬼常存心爲炎火如斗煌煌光明則百邪不敢干之可以入瘟疫之中

疫癘癩瘡候

熱毒盛則生癩瘡瘡周而遍身狀如火瘡色赤頭白者毒輕色黑紫黯者毒重亦名爲登豆瘡

瘡氣候

夫嶺南青草黃芒瘡猶如嶺北傷寒也南地暖故太陰之時草木不黃落伏蟄不閉藏雜毒因暖而生故嶺南從仲春迄仲夏行青草

重刊巢氏諸病源候總論卷之十

瘧病諸候

凡十四論

瘧病候

夏日傷暑秋必病瘧瘧之發以時者此是邪客於風府循督而下衛氣一日一夜常大會於風府其明日一節故其作則腠理開腠理開則邪氣入邪氣入則病作此所以日作常晏也衛氣之行風府日下一節二十一日下至尾骶二十二日入脊內注於伏衝伏衝厥其行九日出於缺盆之中其氣既上故其病稍早發其間日發者由邪氣內薄五藏橫連募原其道遠其氣深其行遲不能日作故間日蓄積乃作夫衛氣每至於風府腠理而開開則邪入焉其衛氣日下一節則不當風府奈何然風府無常衛氣之所應必開其腠理氣之所舍則其病已風之與瘧也相與同類而風獨常在也而瘧特以時休何也由風氣留其處瘧氣隨經絡沈以內薄故衛氣應乃作陽當陷而不陷陰當升而不升為邪所中陽遇邪則捲陰遇邪則緊捲則惡寒緊則為慄寒慄相薄故名瘧弱乃發熱浮乃來出旦中旦發暮中暮發夫瘧其人形瘦皮必栗問曰病瘧以月一日發當以十五日愈設不愈月盡解足太陽瘧令人腰痛頭重寒從背起先寒後熱渴渴然後熱止汗而出難已刺郄中出血

足少陽瘧令人身體解倦寒不甚熱不甚惡見人見人心惕惕然熱多汗出其刺足少陽

足陽明瘧令人先寒洒淅洒寒甚又乃熱熱去汗出喜見日光火氣乃使然刺足陽明脚膝上

足太陰瘧令人不樂好太息不嗜食多寒熱汗出病至則善

嘔嘔已乃衰即取之

足少陰瘧令人吐嘔甚又寒熱熱多寒少欲閉戶而處其病難止

足厥陰瘧令人腰痛少腹滿小便不利如瘧非瘧狀也數小便意恐懼氣不足腸中悒悒刺足厥陰

肺瘧者令人心寒寒甚熱間善驚如是有見者刺手太陰陽明

心瘧者令人煩心甚欲得清水乃寒多寒不甚熱刺手少陰肝瘧令人色蒼蒼然太息其狀若死者刺足厥陰見血

脾瘧者令人疾寒腹中痛熱則腸中鳴已汗出刺足太陰腎瘧令人洒洒腰脊痛宛轉大便難目眩眴眴然手足寒刺足太陽少陰

胃瘧令人且病也善飢而不能食食而支滿腹大刺足陽明

太陰橫脈出血

病源十一

肺病為瘧乍來乍去令人心寒寒甚則熱發善驚如有所見此肺瘧證也若人本來語聲雄壯忽爾不亮拖氣用力方得出言而反於常呼共語直視不應雖曰未病勢當不以此即肺病聲之候也察觀疾表裏相應依源審治乃不失也

心病為瘧者令人心煩其病欲飲清水多寒少熱若人本來心性和雅而急暴反於常倫或言未竟便住以手剔脚爪此久必死禍雖未及呼曰行尸此心病聲之候也虛則補之實則瀉之不可治者明而察之肝病為瘧者令人色蒼蒼然氣息喘悶戰掉狀如死者若人本來少於悲恚勿心爾噴怒出言反常乍寬乍急言未竟以手向眼如有所思若不即病禍必至矣此肝病聲之證也其人若虛則為寒風所傷若實則為熱氣所損陽則瀉之陰則補之

脾病為瘧者令人寒腹中痛腸中鳴嗚已汗出若其人本
少於喜怒而忽反常順喜無度正言鼻焚不答於人此是脾
病聲之候證不盈旬月禍必至也

腎病為瘧者令人悽悽然腰脊痛而宛轉大便澀自掉不定
手足而寒若人本來不喜不怒忽然寒而好瞋怒反於常性
此腎已傷雖未發覺是其候也見人未言而前開口突還閉
口不聲舉手柵腹此是腎病聲之證虛實表裏浮沉清濁宜
以察之逐以治之夫瘧脈者自弦弦數多熱弦遲多寒弦小
緊者可下之弦遲者溫藥已脈數而緊者可發其汗宜針灸
之脈浮大者不可針灸可溫瘧先發如食頃乃可以治之過
之則失時

溫瘧候

夫溫瘧者得之冬中於風寒寒氣藏於骨

病源十一

髓之中至春則陽氣大發邪氣不能出因遇大暑腦髓燥脈
肉消釋腠理發泄因有所用力邪氣與汗偕出此病藏於腎
其氣先從內出之於外如此則陰虛而陽盛則病衰調復反
入入則陽虛陽虛則寒矣故先熱而後寒名曰溫瘧

瘧先寒而後熱此由夏傷於暑汗大出腠理開發因遇夏氣
淒淒之水寒寒之藏於腠理皮膚之中秋氣傷於風則病盛
矣夫寒者陰氣也風者陽氣也先傷於寒而後傷於風故先
寒而後熱先傷於風而後傷於寒故先熱而後寒亦以時作
名曰溫瘧夫病瘧六七日但見熱者溫瘧矣

瘧候

夫瘧瘧者夏傷於暑也其病秋則寒甚冬則寒輕春則惡風
夏則多汗者然其蓄作有時以瘧之始發先起於毫毛伸欠
乃作寒慄鼓頰腰脊痛寒去則外內皆熱頭痛而渴欲飲何

氣使然此陰陽上下交爭虛實更作陰陽相移也陽并於陰則陰實陽虛陽明虛則寒慄鼓頤巨陽虛則腰背頭項痛三陽俱虛陰氣勝勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴欲飲此得之夏傷於暑熱氣盛藏之於皮膚之間腸胃之外此榮氣之所舍此令汗出空踈腠理開因得秋氣汗出遇風乃得之及以浴水氣舍於皮膚之內與衛氣并居衛氣者晝日行陽此氣得陽如外出得陰如內薄是以日作其間日而作者謂其氣之舍焉內薄於陰陽氣獨發陰邪內著陰與陽爭不得出是以間日而作

間日瘧候

此由邪氣與衛氣俱行於六府而有時相失不相得故邪氣內薄五藏則道遠氣深故其行遲不能與衛氣偕出是以間

日而作也

風瘧候

夫瘧皆生於風風者陽氣也陽主熱故衛氣每至於風府則腠理開開則邪入邪入則病作先傷於風故發熱而後寒慄

瘧瘧候

夫瘧瘧者肺系有熱氣盛於身微逆上下中氣實而不外泄因有所用力腠理開風寒舍於皮膚之內分肉之間而發發則陽氣盛陽氣盛而不衰則病美其氣不及之陰故但熱而不寒寒氣內藏於心而外舍分肉之間令人消鑠脫肉故余曰瘧瘧其狀但熱不寒陰氣先絕陽氣獨發則少氣煩惋手足熱而嘔也

山瘧瘧候

此病生於嶺南帶山瘧之氣其狀發寒熱休作有時皆由

溪源嶺嶂濕毒氣故也其病重於傷暑之瘧

痰實瘧候

痰實瘧者謂患人膏肓先有停痰結貫因成瘧病則令人心下脹滿氣逆煩嘔也

寒熱瘧候

夫瘧者風寒之氣也邪并於陰則寒并於陽則熱故發作皆寒熱也

往來寒熱瘧候

此由寒氣并於陰則發寒風氣并於陽則發熱陰陽二氣更實更虛故寒熱更往來也

寒瘧候

此由陰陽相并陽虛則陰勝陰勝則寒寒發於內而并於外所以內外俱寒故病發但戰慄而鼓頤頤也

勞瘧候

凡瘧積久不瘥者則表裏俱虛客邪未散真氣不復故疾雖暫間小勞便發

發作無時瘧候

夫衛氣一日一夜大會於風府則腠理開開則邪入邪入則病作當其時陰陽相并隨其所勝故生寒熱故動作皆有早晏者若府藏受邪內外失守邪氣妄行所以休作無時也

久瘧候

夫瘧皆由傷暑及傷風所為熱盛之時發汗吐下過度腑臟空虛榮衛傷損邪氣伏藏所以引日不瘥仍故休作也天瘧歲歲發至三歲發連月發不解脇下有痞治之不得攻其石但得虛其津液先其時發其汗服湯已先小寒者引衣自濡得汗出小便自引利即愈也

